
Title	Laporan: Seminar Dunia Melayu ke 3
Author	Muhammad Ariff bin Ahmad

Copyright © 1988 Muhammad Ariff bin Ahmad

SEMINAR DUNIA MELAYU KE 3
di Universiti Utara Malaysia
Bandar Darulaman, Alor Setar, KEDAH
24 dan 25 Januari 1988

Bermula dari perbualan dengan Ketua Satu dan Ketua Dua Asas 50 pada 2 Disember 1987 atas perkara undangan GAPEWA [menerusi suratnya tanggal 11 November 1987] supaya Asas 50 mengirinkan seorang wakil rasminya yang akan menyumbangkan sebuah kertas perbincangan mengenai "Singapura Dalam Konteks Dunia Melayu" ke seminar tersebut; kemudian disusuli dengan perlantikan rasmi: mengesahkan saya sebagai wakil Asas 50 menerusi surat Ketua Satu tanggal 3 Disember 1987, maka saya terima tugas tersebut dan menyediakan kertas bincang yang dimaksudkan GAPEWA.

Tujuan Kedah Darulaman mengadakan seminar itu jelas dinyatakan dalam program seminar [saya tukil]:

"... Sudah sampai masa dan ketikanya Kedah Darulaman mengadakan Seminar Dunia Melayu yang gah matlamatnya sempena hari keputeraan Kebawah Duli Yang Maha Mulia Sultan Kedah Darulaman ke 60, sempena persembahan khazanah koleksi Ismail Hussein dan sempena Pameran Dunia Melayu.

"Kedah Darulaman tanah bertuah indah nyaman bangun menggugat zaman dalam pembangunan, menghulur tangan mengajak pelawa para cendekiawan dan budayawan seluruh rantau dunia Melayu ke Seminar Dunia Melayu untuk bertegur sapa mesra dan berbicara dalam nostalgia masa lalu, menyelami intropeksi diri dalam kemelutan dan kegawatan kini dan merencana strategi dalam menghadapi cabaran masa depan.

"Kedah Darulaman ingin menjemput pulang ke tanah watan para cendekiawan anak negerinya 'sambil menyedut udara dan warna tanah warisan dan pusaka keturunan' dalam Temu Budayawan dan Forum Sarjananya."

Sesuai dengan tujuan tersebut, maka seminar dua hari itu telah dilaksanakan menurut programnya:

Sabtu 24 Janyari 1988

0900 - 1130 Perasmian Seminar Dunia Melayu dan Penyerahan Koleksi Ismail Hussein, di Dewan Persidangan, Bangunan Sultan Abdul Halim, Alor Setar: oleh Kebawah Duli Yang Maha Mulia Sultan Kedah Darulaman.

1200 - 1330 Pameran Dunia Melayu di Balai Seni Negeri, Alor Setar Kedah Darulaman.

1500 - 1830 Temu Budayawan Kedah di DK1 Universiti Utara Malaysia dengan topik: Kedah Darulaman Dalam Dunia Melayu dari perspektif sastera, sejarah dan budayanya.

anggota panel:

- Haji Abdullah Hussein [sasterawan]
- Haji Wan Shamsuddin Mohd Yusof [sejarawan]
- Encik Mohd Bisharuddin Nor Basha [pegawai Jabatan Kebudayaan dan Pelancongan Kedah].

2000 - 2300 Forum Sarjana Kedah di DK2 Universiti Utara Malaysia dengan topik: Kedah Darulaman Dalam Dunia Melayu.

anggota panel:

- Prof Tan Sri Dato Awang Had Salleh [kemasyarakatan dan pendidikan]
- Prof Drs Dato Pendeta Ismail Hussein [kebudayaan]
- Prof Dato Dr Amir Awang [pendidikan]
- Prof Dr Abdul Halim Othman [kounseling]
- Prof Madya Siti Hawa Salleh [kesusasteraan lama]
- Dr Shuib Che' Din [psikologi]
- Encik Mahathir Khir [politik]

Ahad 25 Januari 1988

0800 - 1000 Pembentangan kertas kerja:

- Dunia Melayu dan Tersebar Luasnya Rumpun Melayu [Prof Madya Dr Wan Hashim Teh - Malaysia]
- Brunei Darussalam Dalam Konteks Dunia Melayu [Encik Jawawi Hj Ahmad - Brunei Darussalam]

1030 - 1300 Pembentangan kertas kerja

- Filipina Dalam Konteks Dunia Melayu [Encik Guillermo Q Roman - Filipina]
- Pattani Dalam Konteks Dunia Melayu [Encik Ahmad Idris @ Woraib Baru - Thailand]
- Singapura Dalam Konteks Dunia Melayu [Haji Muhammad Ariff Ahmad - Singapura]

1430 - 1630 Pembentangan kertas kerja

- Aceh Dalam Konteks Dunia Melayu [Dr Darwis Soelaiman - Indonesia]
- Kerjasama Kebudayaan Dalam Hubungan Indonesia-Malaysia: beberapa trobosan [Drs Alfitra Salam - Indonesia]
- Perancis Melihat Dunia Melayu [Dr Laurent Hetzer - Perancis]

1700 - 1830 Pelancaran Buku Kedah dan ucapan penutup seminar oleh Prof Tan Sri Dato Awang Had Salleh.

2030 - 2300 Malam Kebudayaan Kedah.

Peserta-peserta dari Singapura

Surat Ketua Satu Asas 50 kepada Ketua Satu GAPEWA menyatakan bahawa selain daripada seorang wakil rasmi Asas 50, akan turut serta beberapa orang anggota Asas 50 ke seminar tersebut; tetapi ternyata apabila sampai waktunya, hanya saya seorang yang akan menghadiri seminar itu; maka saya bawalah isteri saya menemani saya ke seminar tersebut.

Bagaimanapun, pada malam pertama di Merlin Inn Alor Setar itu, saya telah dikunjungi oleh peserta-peserta seminar dari Singapura [mereka bukan anggota Asas 50] iaitu:

- Encik Mohd Nizar Azmi Mahmud [Berita Harian]
- Encik Saini Salleh [Berita Harian]
- Encik Norman Suratman [Berita Harian]
- Encik Anwar Othman [majalah Pustaka]
- Encik Khalid Lani [KAMUS]

Salinan ..

Salinan kertas kerja yang saya bentangkan dalam seminar itu telah saya kirimkan kepada Ketua Satu Asas 50 sebelum saya kirimkan aslinya kepada pihak urusetia penyelenggara seminar tersebut. Jika ada anggota Asas 50 yang ingin meneliti atau memeriksanya silalah hubungi Ketua Satu; mudah-mudahan beliau akan sudi membantu!

Oleh kerana tiap penulis kertas kerja hanya diberi masa 40 minit untuk membentangkan kertas kerjanya itu maka kebanyakan kertas kerja telah disampaikan dengan keterangan-keterangan "wajib" yang ringkas - tidak ada kesempatan untuk melebar-luaskan keterangan.

Bagaimanapun, untuk mencapai objek seminar seperti yang dinyatakan dalam program maka dipercayai bahawa seminar itu telah dapat mencapai matlamatnya.

Sekian, terima kasih;
Wabillahil-Hidayah wat-Taufiq,
Wassalamualaikum wr wb.

Yang benar,



[MUHAMMAD ARIFF B AHMAD]

Jan 29, 1988